


Tortolì, publicadu s'avisu pro is aziendas interessadas sa su Programa “Vita Indipendente”



Su Comunu de Tortolì, in calidade de Ente capofila de su PLUS Ogliastra, informat chi est istadu publicadu s'avisu pro sa regorta de manifestatziones de interessu pro aziendas, entes e assòtzios disponìbiles a acasagiare tirotzìnios in intro de su Programa “Vita Indipendente”.

S'initziativa tenet sa punna de favorire cursados de orientamentu, formatzione e inserimentu o reinserimentu de traballu pro beneficiàrios de su programa, cun

s'obietivu de promòvere inclusione, autonomia e partetzipatzione ativa a sa vida sotziale e professionale.

Su bandu est pro aziendas, impresas, cooperativas, operadores econòmicos e entes pùblicos chi tèngiant is requisitos prevididos, comente ispetzificadu in s'avisu publicadu in is sitos ufiziales de su Comunu de Tortolì e de su PLUS Ogliastra.

Is tirotzìnios ant a durare mìnimu duos meses, cun unu màssimu de 30 oras prp cada chida, ispartzinadas in chimbe o ses dies de traballu, e s'ant a dèpere concruire intro su 31 de mese de idas 2025. Is dimandas presentadas ant a èssere valutas segundu is critàrios istabilidos in su bandu. In casu de mancada currispondèntzia intre sa disponibilidade de is aziendas e is bisòngios de is beneficiàrios, su PLUS Ogliastra at a pòdere protzedire cun su sèbereu de solutzione provisòrias.

Is aziendas interessadas podent presentare dimanda impreende sa modulistica disponìbile in su situ istitutzionale de su Comunu de Tortolì, de su PLUS Ogliastra o in is Comunos de s'Àmbitu. Is rechestas ant a pòdere èssere intregadas a manu a s'Ufitziu Protocolu de su Comunu, imbiadas bia racumandada A/R opuru cun PEC a s'indiritzu: protocollo@pec.comuneditortoli.it.

Pro informatziones e pro iscarrigare sa documentatzione netzessària, est possibile a consultare su situ ufitziale de su Comunu de Tortolì.